



Groupe parlementaire

N°6762
Entrée le 02.09.2022
Déclarée recevable
Président de la Chambre des Députés
(s.) Fernand Etgen
Luxembourg, le 02.09.2022

Här Fernand Etgen
President vun der Deputéiertechamber
19, um Krautmaart
L-1728 Lëtzebuerg

Lëtzebuerg, den 2. September 2022

Här President,

esou wéi d'Chambersreglement et virgesäit, bieden ech lech, dës parlamentaresch Fro un den Här Minister fir déi sozial Sécherheet weiderzeleeden.

Och zu Lëtzebuerg kënnt et ëmmer rëm vir, datt Bierger an déi tragesch Situatioun geroden, op eng ëffentlech Invalidérent ugewisen ze sinn.

An deem Zesammenhang géif ech dem Här Minister fir sozial Sécherheet gär dës Froe stellen:

- 1) Kann den Här Minister matdeelen, wéi vill Bierger aktuell eng Invalidérent bezéien a preziséieren, wéi dës sech op physesch a psychesch Invalidérenten opdeelen?
- 2) Kann den Här Minister matdeelen, wéi eng Prozedure mussen agehale ginn, fir d'Invaliditéit feststellen?
- 3) Kann den Här Minister eng Tabell presentéieren, déi regroupéiert wéi vill Dokteren a Kontrolldokteren aktuell zu Lëtzebuerg akkreditéiert sinn, fir déi eenzel Forme vun Invaliditéit ze certifiéieren?
- 4) Kann den Här Minister eng Tabell presentéieren, déi regroupéiert, op wéi eng Ursachen, déi eenzel Kategorie vun Invaliditéit zeréckzeféiere sinn (Aarbechtsaccident, Autosaccident, medezinesch Niewewierkung asw.)?

Mat déiwem Respekt,



Jeff Engelen
Deputéierten



Äntwert vum Minister fir sozial Sécherheet op d'parlamentaresch Fro n°6762 vum 2. September 2022 vum Deputéierten Jeff Engelen iwwert d'Statistiken am Zesammenhang mat der Invalideren

1) Kann den Här Minister matdeelen, wéi vill Bierger aktuell eng Invalideren bezéien a preziséieren, wéi dës sech op physesch a psychesch Invalideren opdeelen

Fir de Mount Dezember 2021, goufen 17 352 „ëffentlech Invalideren“, dh Pensions d'invalidité vum Régime général d'assurance pension, vun der Pensiounskeess CNAP ¹ ausbezuel, dëst un 9 946 Männer an 7 406 Fraen.

Am Artikel 192 vum Code de la Sécurité sociale ass virgesinn dass Invalideren ab dem 65ten Gebuertsdag vum Bénéficiaire als Alterspensiounen weidergeschriwwen ginn („reconduire“). Wann een dës Fäll mat a Betruecht hält, ginn fir Dezember 2021 am Ganzen 42 314 Pensions d'invalidité an Pensions d'invalidité reconduites gezielt.

Op déi lescht Joren gekuckt, bleift d'Unzuel vun Invalideren relativ konstant, den Undeel un all den Pensiounen hält awer of (cf. Bilan technique du régime général d'assurance pension - 2022 ²).

Fir all Assuré deen eng Invalideren ufreet gëtt en individuelle medezineschen Avis gemaach. Dozou gëtt et keng Klassifikatioun. Et ass also net méiglech ze soe wéi vill Invalideren op physesch a psychesch Ursachen zeréckzeféieren sinn.

Tableau 1: Unzuel un ausbezuelten Invalideren vun der CNAP vun 2012 bis 2021 (fir de Mount Dezember)

Joer	Pensions d'invalidité <65			Pensions d'invalidité reconduites >65			Total
	Männer	Fraen	Total	Männer	Fraen	Total	
2012	10 144	6 681	16 825	14 820	10 019	24 839	41 664
2013	9 964	6 726	16 690	14 889	10 149	25 038	41 728
2014	10 008	6 860	16 868	14 889	10 319	25 208	42 076
2015	10 277	7 083	17 360	14 792	10 408	25 200	42 560
2016	10 442	7 225	17 667	14 709	10 538	25 247	42 914
2017	10 235	7 185	17 420	14 522	10 571	25 093	42 513
2018	10 038	7 115	17 153	14 342	10 652	24 994	42 147
2019	9 914	7 093	17 007	14 320	10 796	25 116	42 123

¹ Caisse nationale d'assurance pension

² [Bilan technique du régime général d'assurance pension - 2022 - Inspection générale de la sécurité sociale // Le gouvernement luxembourgeois](#)



2020	9 824	7 152	16 976	14 274	10 893	25 167	42 143
2021	9 946	7 406	17 352	14 033	10 929	24 962	42 314

Quell: CNAP/IGSS

2) Kann den Här Minister matdeelen, wéi eng Prozedure mussen aqehale ginn, fir d'Invaliditéit festzestellen?

Et ass um Assuré eng Ufro op Invaliderente béi der CNAP eran ze reechen. Wann déi administrativ Konditioune fir eng Invaliderente erfëllt sinn oder erfëllt kéinte sinn (jee nodeems wat fir een Datum als Ufank vun enger Invaliditéit festgehale géif ginn), kritt den Assuré en Formulaire R4 geschéckt deen den Assuré un sém Dokter weider geet. Den Dokter fëllt dëse Formulaire mat medezineschen Donnéeën aus a schéckt en un d'CNAP eran. D'CNAP gefaast doropshin de Kontrolldokter vun der sozialer Sécherheet (CMSS) mat der Fro ob beim Assuré eng Invaliditéit virleit an, wann jo, ab wéi engem Datum. De CMSS hellt seng Decisioun opgrond vun de virleiden Donnéeën an/oder enger medezinescher Ënnersichung. D'CNAP ass un d'Konklusioone vum CMSS gebonnen.

3) Kann den Här Minister eng Tabell presentéieren, déi regruppéiert wéi vill Dokteren a Kontrolldokteren aktuell zu Lëtzebuerg akkreditéiert sinn, fir déi eenzel Forme vun Invaliditéit ze certifiéieren?

All Dokter deen exerzéiert kann am Prinzip eng Invaliditéit feststellen. Déi normal Prozedur ass wéi Uewe beschriwwen dat den Assuré de Formulaire R4 u säi behandelten Dokter weidergëtt.

4) Kann den Här Minister eng Tabell presentéieren, déi regruppéiert, op wéi eng Ursaachen, déi eenzel Kategorie vun Invaliditéit zeréckzeféiere sinn (Aarbechtsaccident, Autosaccident, medezinesch Niewewierkung asw.)?

Evolutioun vun der Unzuel vu Persounen matt enger, vun der AAA zougedeelter, permanenter partieller Incapacitéit (IPP) duerch en Aarbechts- oder Trajetsaccident, oder duerch eng Beruffskrankheet

Joer	Aarbechtsaccident	Trajetsaccident	Beruffskrankheet
2016	792	169	68
2017	726	160	70
2018	764	121	69
2019*	622	128	90
2020*	278	49	40
2021*	66	5	21
2022*	1	0	0
Total	3.249	632	358



(*) nach Dossieren a Suspens

Wann den Aarbechtsaccident, den Accident beim Trajet oder d'Beruffskrankheet duerch d'AAA unerkant ass, fixéieren d'Doktere vum Contrôle médical, mat deenen d'AAA eng verbonne Kompetenz huet, no Konsolidéierung vum Gesondheitszoustand vun der betraffener Persoun (Stabilisatioun vum Gesondheitszoustand vun Affer vu kierperleche Verletzungen), en eventuelle partielle permanenten Incapacitéitstaux. Am Fall vun der Fixatioun vun esou engem Taux, kann d'Affer, nieft eventuelle Pensiounen, vun Entschiedegunge fir net-patrimoniaale Schued profitéieren, déi vun der AAA zougewise gi sinn.

Lëtzebuerg, den 30/09/2022.

De Minister fir sozial Sécherheet

(s.) Claude Haagen